


**TEZAU LITURGIC**

**5 IULIE**

**ACATISTUL  
SF.CUVIOASE-MUCENIȚE  
ELISABETA  
TEODOROVNA  
DE LA  
MOSCOVA  
I**



**MOSCOVA, 2000**



# **Ака́фист**

## **свято́й преподо́бному́ченице**

## **вели́кой кня́гине Елиса́вете**

### **Конда́к 1**

Избра́нная от ро́да держа́внаго дщи Це́ркве  
Ру́сския,/ любóвию избы́льною и милосе́рдием  
Бо́гу и бли́жним до́бре послужи́вшая,/ за ве́ру во  
Христа́ Го́спода на́шего ду́шу свою́  
положи́вшая/ и венце́м сла́вы Христо́вы  
украше́нная,/ восхваля́юще по́двиги и  
страда́ния твоя́, с любóвию воспева́ем ти  
си́це:// Ра́дуйся, благове́рная кня́гине  
Елиса́вето, преподо́бному́ченице достосла́вная.

### **И́кос 1**

А́нгельским попече́нием храни́мая и ма́терию  
твое́ю благоче́стию поуча́емая, в трудéх,  
моли́твах и ми́лостыни измла́да о́браз  
добродете́льнаго жити́я яви́ла еси́. По кончи́не  
же ма́тере твоея́ и бли́жних сро́дников крэ́стный  
пути́, Го́сподем запове́данный, уразуме́ла еси́.  
Те́мже, дивя́щаяся таковóму от ю́ности твоему́  
избра́нию, со умиле́нием взыва́ем ти:

Ра́дуйся, от ю́ности Христа́ возлю́бившая;  
ра́дуйся, во мла́дости нача́тки благоче́стия  
прии́мшая.

Ра́дуйся, Христо́ва а́гнице избра́нная;  
ра́дуйся, страх Бо́жий в души́ восприя́вшая.

Ра́дуйся, добродéтели ма́тере твоея́  
насле́дствовавшая;

ра́дуйся, трудолю́бию и милосéрдию е́ю  
научéнная.

Ра́дуйся, сéрдцем в Бо́зе утверждéнная;  
ра́дуйся, с вéрою и упова́нием крест твой  
понéсшая.

Ра́дуйся, земли́ оте́чества твоего́ цвéте  
благоухáнный;

ра́дуйся, чистото́ю жи́зни твоея́ Небеса́  
возвесели́вшая.

Ра́дуйся, на служéние стра́ждущим Бо́гом  
избра́нная;

ра́дуйся, пред Го́сподем о нас тёплая  
моли́твеннице.

Ра́дуйся, благовéрная княги́не Елисаве́то,  
преподобномученице достосла́вная.

## Конда́к 2

Ви́де Госпо́дь благо́е се́рдца твоего́ изволе́ние, я́ко возжелéла еси́ жити́е проводи́ти во благо́чести́и и чистоте́, к небе́сней красоте́ о́чи се́рдца твоего́ устремля́ющи и любо́вь к Бо́гу в себé возгрева́ющи. Моли́твами твои́ми и на́ша се́рдца то́ю же любо́вию просвети́, да с тобо́ю воспоём Бо́гу: Аллилу́ия.

## И́кос 2

Ра́зум просвещён иму́щи и все упова́ние на Бо́га возложивши, не убо́ялася еси́, свята́я Елиса́вето, оста́вити дом отца́ твоего́ и в но́вое Оте́чество вселит́ся, егда́ бра́ком сочета́лася еси́ с росси́йским вели́ким кня́зем Серге́ем. Мы же с любо́вию взыва́ем ти си́це:

Ра́дуйся, от За́пада на Восто́к пришéдшая;  
ра́дуйся, в но́вом Оте́чествии единéние с Це́рковию обрётшая.

Ра́дуйся, за́поведи Госпо́дни испо́лнити возжелéвшая;

ра́дуйся, в се́рдцах на́ших по Бо́зе ревновáние воспламеня́ющая.

Ра́дуйся, в супру́жестве целому́дренне пожив́шая;

ра́дуйся, в добродѣлании нас наставля́ющая.  
Ра́дуйся, благове́рная княги́не, странѣ на́шей  
ве́рно послужи́вшая;  
ра́дуйся, супру́гу твоemú в де́лах благи́х  
му́драя помо́щнице.  
Ра́дуйся, семе́йств благочесті́вых  
покрови́тельнице;  
ра́дуйся, матери́нскою любóвию нас  
согрева́ющая.  
Ра́дуйся, красо́тою душе́вною и теле́сною всех  
удивля́ющая;  
ра́дуйся, всего́ ми́ра христи́анскаго  
украше́ние.  
Ра́дуйся, благове́рная княги́не Елиса́вето,  
преподобному́ченице достосла́вная.

### **Конда́к 3**

Си́лою Божѣственны́я благода́ти ко спасе́нию  
умудре́нная, позна́ла еси́ ве́ру и́стинную,  
княги́не ми́лостивая Елиса́вето. Те́мже, во  
Святе́й Земли́ пребыва́ющи и в жела́нии се́рдца  
своего́ при́яти Правосла́вие укрепи́вшись,  
воспе́ла еси́ просвети́вшему тя Бо́гу: Аллилу́ия.

### И́кос 3

Имѹщи сѣрдце, дѡбрей земли подѡбное, вѣру правосла́вную удо́бь восприя́ла еси́, тѣмже Свята́го Миропома́зания и причаще́ния Святы́х Христо́вых Та́ин в пра́здник Воскреше́ния пра́веднаго Ла́заря сподо́билася еси́. Мы же, сла́вяще просвеще́ние твоѣ благода́тию Свята́го Ду́ха, велича́ем тя:

Ра́дуйся, от заблужде́ний отрѣкша́яся;  
ра́дуйся, вѣру правосла́вную приѣмша́я.

Ра́дуйся, пома́занием Свята́го Ду́ха запечатле́нная;

ра́дуйся, с Це́рквию и́стинною воссоедине́нная.

Ра́дуйся, святе́й пра́ведней Елисаве́те тезоимени́тая;

ра́дуйся, в по́двизех ей усѣ́рдно подража́вшая.

Ра́дуйся, сыновѡм За́пада путь к и́стинней вѣре показу́ющая;

ра́дуйся, от благоче́стных люде́й росси́йских любѡ́вию почита́емая.

Ра́дуйся, ми́лостивая ма́ти, ми́лость у Влады́ки и Го́спода обрѣ́тшая;

ра́дуйся, и о на́шем поми́ловании усер́дно  
моля́щаяся.

Ра́дуйся, свет Божество́нный в се́рдце сво́ем  
носив́шая;

ра́дуйся, тьму жи́зни на́шея свѣ́том  
Христо́вых за́поведей озаря́ющая.

Ра́дуйся, благове́рная княги́не Елисаве́то,  
преподобному́ченице достосла́вная.

### **Конда́к 4**

Бу́ря зло́бы врага́ ро́да челове́ческаго не  
поколеба́ ты, свята́я, егда́ благове́рный супру́г  
твой внеза́пную смерть от убийц злонра́вных  
восприя́т, ему́же сострада́юще, ве́лие му́жество  
и христиа́нскую любо́вь яви́ла еси́, о покая́нии  
же убийц моля́щаяся, твори́ла еси́ песнь:  
Аллилу́ия.

### **И́кос 4**

Слы́шавше росси́йстии лю́дие о уби́ении  
супру́га твоего́, моля́ху Бо́га, да укрепи́т ты,  
свята́я Елисаве́то, в несéнии ско́рби сея́. Ты же,  
ева́нгельскою любо́вию двíжима, в темни́це  
убийцу посети́ла еси́, к покая́нию его́  
подвиза́юще и моли́твы вознося́щи ко Го́споду о



прощё́нии егó. Сего́ ра́ди приими́ от нас,  
недостóйных, похва́лы сия́:

Ра́дуйся, за́поведь Христо́ву о любви́ ко  
враго́м испо́лнившая;

ра́дуйся, уби́йцу супру́га твоего́ ева́нгельски  
прости́вшая.

Ра́дуйся, мно́ги ско́рби и бе́ды претерпе́вшая;  
ра́дуйся, в ско́рбех и печа́лех нам  
пomoга́ющая.

Ра́дуйся, заблúждших на путь и́стины и  
покая́ния наста́вляющая;

ра́дуйся, о поми́ловании грéшных тёпле  
ходата́йствующая.

Ра́дуйся, во тьме печа́лей свётом наде́жды нас  
озаря́ющая;

ра́дуйся, путево́дная звездó всем спасéния  
ча́ющим.

Ра́дуйся, окаменéнная сердца́ на́ша во  
умилéние приводя́щая;

ра́дуйся, о вся́кой ско́рби на́шей Христа́  
умоля́ющая.

Ра́дуйся, злóбу ми́ра добро́м побежда́вшая;

ра́дуйся, лю́дем росси́йским любви́ и́стинную  
показа́вшая.

Ра́дуйся, благове́рная кня́гине Елиса́вето,  
преподобно́мученице досто́сла́вная.

### **Конда́к 5**

Боготе́чная звезда́ яви́лася еси́ в земли́  
Росси́йстей, свята́я Елиса́вето, егда́ бога́тство и  
сла́ву я́ко прах вмени́вши, в ру́це Бо́жии жизнь  
свою́ преда́ла еси́, Крест Госпо́день вы́ну пред  
очи́ма иму́щи. Те́мже, моли́твою и де́лы  
милосе́рдия Бо́гу угоди́вши, днесь в ра́дости Ему́  
поёши: Аллилу́ия.

### **И́кос 5**

Ви́девше тя лю́дие богоспаса́емаго гра́да  
Москвы́ дивную́ устройте́льницу оби́тели  
милосе́рдия, возра́довашася, я́ко мно́ги жены́,  
де́вы и ста́рицы росси́йския обрето́ша zde ти́хое  
и душе́спаси́тельное приста́нище, подража́юще  
святы́м жена́м-мироно́сицам Ма́рфе и Мари́и в  
служе́нии Бо́гу и бли́жним. Сего́ ра́ди,  
прославля́юще тя, глаго́лем си́це:

Ра́дуйся, среди́ сла́вы земны́я суету́ мирска́го  
жити́я уразуме́вшая;

ра́дуйся, и́мение свое́ разда́вшая и нищету́  
Христо́ву возлюбив́шая.

Ра́дуйся, град Москвѹ обі́телию дѣ́вною  
укра́сившая;

ра́дуйся, благо́е і́го Христо́во на ра́мо  
воспри́имшая.

Ра́дуйся, служе́нию святы́х жен-мироно́сиц  
подража́вшая;

ра́дуйся, мно́гия жены́ во обі́тель милосе́рдия  
приве́дшая.

Ра́дуйся, ко спасе́нию се́стр твои́х му́драя  
упра́вительнице;

ра́дуйся, обі́тели твоея́ неусы́пная  
храни́тельница.

Ра́дуйся, в по́двизех теле́сных и духо́вных нас  
укрепля́ющая;

ра́дуйся, путь от земли́ на Не́бо нам  
показу́ющая.

Ра́дуйся, свети́ло милосе́рдия, над гра́дом  
Москво́ю возше́дшее;

ра́дуйся, всех служа́щих бли́жним  
покрови́тельница.

Ра́дуйся, благове́рная княги́не Елиса́вето,  
преподобному́ченице достосла́вная.

## Конда́к 6

Пропове́дница любве́ Божество́вныя и  
милосе́рдия неисто́щимаго была́ еси́ в земли́  
на́шей, свята́я Елиса́вето, благоче́стия  
ревни́тельнице, в сердца́х людей́ российских  
любо́вь ко Го́споду и милосе́рдие к бра́тиям  
бе́дствующим возгрева́ющи. Те́мже и мы, твои́м  
заве́том послѣдующе, вку́пе с си́рыми и убо́гими  
Бо́гу воспойм: Аллилу́ия.

## И́кос 6

Воссия́ла еси́ све́том ино́ческаго жити́я в  
стране́ Росси́йстей, преподо́бная ма́ти на́ша  
Елиса́вето, в посте́ и моли́тве, в но́щных бде́ниях  
и стро́гом воздержáнии пребыва́ющи,  
благоче́стию и смире́нию се́стры оби́тели твоея́  
поуча́ла еси́. Мы же, тобо́ю на путь те́сный  
по́двига духо́внаго наставля́еми, ублажа́ем тя:

Ра́дуйся, путь равноа́нгельнаго жити́я  
избра́вшая;

ра́дуйся, в целому́дрии чистоту́ се́рдца твоего́  
сохраня́шая.

Ра́дуйся, в нестяжа́нии высоту́ ду́ха твоего́  
показа́вшая;

ра́дуйся, в послуша́нии Бо́гу и бли́жним  
послужившая.

Ра́дуйся, му́драя княги́не и ино́кине  
пречестна́я;

ра́дуйся, о́бразе жена́м христиа́нским.

Ра́дуйся, посто́м, бде́нием и непреста́нными  
моли́твами Бо́гу угоди́вшая;

ра́дуйся, от сна грехо́внаго ду́ши на́ша  
пробужда́ющая.

Ра́дуйся, ко исполне́нию за́поведи о любви́ к  
Бо́гу и бли́жним всех наставля́ющая;

ра́дуйся, моли́тве те́плой нас навча́ющая.

Ра́дуйся, наста́внице ино́киням и собесе́днице  
а́нгелом;

ра́дуйся, в со́нме преподо́бных жен на Небеси́  
просла́вленная.

Ра́дуйся, благове́рная княги́не Елиса́вето,  
преподобному́ченице достосла́вная.

### **Конда́к 7**

Хотя́щи во́лю Госпо́дню твори́ти, свята́я  
Елиса́вето, на вся́кий час свою́ во́лю отсека́ла  
еси́, к сове́ту пусты́нных ста́рцев Гаврии́ла и  
Алекси́я притека́ющи и и́ны му́жи духоно́сныя  
вопроша́ющи, ихже му́дрыми наста́влении  
жити́е во оби́тели милосе́рдия до́бре устроя́ла

еси́, непреста́нно с се́страми взыва́ющи Бо́гу:  
Аллилу́ия.

### И́кос 7

Но́вое чу́до показа́ Господь, егда́ дарова́ ти,  
свята́я Елисавето́, благода́ть и си́лу немощны́я  
исцеля́ти, безнаде́жныя утеша́ти, заблуждши́я  
вразумля́ти. Ты же, облегче́ние и отра́ду с  
любо́вию подаю́щи, си́рым, забвённы́м и  
немощны́м смире́нно послужи́ла еси́. Те́мже и  
нас, убо́гих, твоёю моли́твою от страсте́й  
грехо́вных исцели́ и бу́ди нам ко спасе́нию  
упра́вительница, да благода́рственно воспоём  
ти:

Ра́дуйся, в послуша́нии духо́вным отце́м и  
вели́ким ста́рцем поживша́я;

ра́дуйся, вели́кая ма́тушка людьми́  
росси́йскими нарече́нная.

Ра́дуйся, дар немощны́я ду́ши врачевати́ от  
Бо́га стяжавша́я;

ра́дуйся, боля́щия от одра́ болёзны  
возста́вляющая.

Ра́дуйся, вдови́ц и сирот́ благосе́рдая  
попечи́тельница;

ра́дуйся, а́лчущих пита́тельница и су́щим в беда́х ско́рая засту́пнице.

Ра́дуйся, все́ми презре́нных и отве́рженных не оста́вляющая;

ра́дуйся, мно́гия ду́ши от тьмы грехо́вныя и поги́бели спаса́ющая.

Ра́дуйся, уныва́ющим в ско́рбех и обстоя́ниях му́драя утёшительнице;

ра́дуйся, и нас, удруче́нных боле́знями и немощьми́, укрепля́ющая.

Ра́дуйся, ка́ющимся грёшником пред Го́сподем предста́тельница;

ра́дуйся, лю́дем росси́йским богодарова́нная помо́щнице.

Ра́дуйся, благове́рная княги́не Елиса́вето, преподо́бному́ченице досто́сла́вная.

### **Конда́к 8**

Стра́нное и стра́шное видёние яви́ Госпо́дь духовнику́ оби́тели милосе́рдия иере́ю Митрофа́ну, ты же, о свята́я ма́ти, си́е видёние изъясня́ющи, прорекла́ еси́, я́ко ве́лие и гро́зное испытáние грядёт на Це́рковь Ру́сскую и держа́ву на́шу: святи́нь поругáние, брань братоубийственная, сму́та ве́лия, кончи́на

мученическая семейства царскаго; но помилует Бог Россию по молитвам святых ея, с нимиже ты ныне воспеваеши Богу: Аллилуия.

### Икос 8

Вся благодатию Божественною просвещаемая, святая Елисавето, мысленными очима гневное посещение Божие страны нашей зрела еси и пророчески вещала еси, яко мнози мученицы и исповедницы в земли Русстей возсияют. Темже все упование на Божию Матерь возложить люди российский призывала еси, веруящи, яко молитвами Ея устроится и благословится земля наша. Мы же, ведуще проречения твоего о судьбе отчизны нашей сбытие, ублажаем тя сице:

Радуйся, храм Покрова Пресвятыя Богородицы во обители воздвигшая;

радуйся, в руке Пречистой Матери обитель твою предавшая.

Радуйся, храмов святых и благолепных устроительнице;

радуйся, к Богородице неусыпная молитвеннице.



Ра́дуйся, хра́мы Бо́жии сосúдами и рíзами  
благоукра́сившая;

ра́дуйся, я́ко се́рдце твое́ оби́телию Свята́го  
Ду́ха соде́лася.

Ра́дуйся, жити́ем своим Го́споду и Ма́тери Его́  
ве́рно послужи́вшая;

ра́дуйся, все упова́ние на Бо́га возлага́ти нас  
науча́ющая.

Ра́дуйся, крóтость, ти́шину́ и мир се́рдцам  
на́шим пода́ющая;

ра́дуйся, благода́тными да́ры свéтло  
укра́шенная.

Ра́дуйся, му́жественне ско́рби и клевету́  
претерпе́вшая;

ра́дуйся, себе́ в же́ртву Бо́гу угото́вившая.

Ра́дуйся, благове́рная княги́не Елисаве́то,  
преподобному́ченице достосла́вная.

### **Конда́к 9**

Вся любо́вию к Бо́гу пламене́ючи, свята́я  
Елисаве́то, не убоя́лася еси́, егда́ приидо́ша во  
оби́тель твою́ лю́дие безбо́жнии, хотя́щие суд  
непра́веден над тобо́ю соверши́ти. Ты же,  
Го́сподем сохра́няема, сме́рти тогда́ избе́гла еси́,  
о вразумле́нии и просвеще́нии неразу́мных и

заблѹждших молящися, Бо́гу же во благодарѣнии воспева́ющи: Аллилу́ия.

## И́кос 9

Ветѣй чело́вѣческих уста́ не возмо́гут досто́йно восхва́лити крѣ́пость лю́бве твоея́ во дни бед и напа́стей вели́ких, обыше́дших Оте́чество на́ше, егда́ не восхоте́ла еси́ поки́нути Росси́ю и оби́тель, тобо́ю создáнную, сѣстры тоя́ за вѣ́ру правосла́вную да́же до сме́рти стоя́ти увещава́ющи. Мы же с лю́бовию восхваля́ем тя:

Ра́дуйся, зѣ́млю на́шу возлю́бившая;

ра́дуйся, от люде́й правосла́вных с лю́бовию прославля́емая.

Ра́дуйся, щито́м вѣ́ры огражда́тися нас навча́ющая;

ра́дуйся, желáние крѣ́стным путе́м слѣдовати в нас укрепля́ющая.

Ра́дуйся, от ро́ва погѣ́бели мно́гия спáсшая;

ра́дуйся, оби́тели твое́й и гра́ду Москвѣ покрóве и за́щитнице.

Ра́дуйся, сѣстры оби́тели милосѣ́рдия в вѣ́ре и наде́жди утверди́вшая;

ра́дуйся, на по́двиг мученичества за Христа́ их наста́вльшая.

Ра́дуйся, приобщи́тися страсте́м Христо́вым  
удосто́ившаяся;

ра́дуйся, в по́двиге испове́дничества ве́рныя  
утвержда́ющая.

Ра́дуйся, любви́ же́ртвенней, ве́чней нас  
науча́ющая;

ра́дуйся, в ра́дость Го́спода твоего́ вше́дшая.

Ра́дуйся, благове́рная княги́не Елиса́вето,  
преподобному́ченице достосла́вная.

### **Конда́к 10**

Спаси́тельнаго по́двига и́щущи, свята́я  
Елиса́вето, с ра́достью благода́рила еси́ Бо́га,  
я́ко сподо́би тя понести́ крест Его́. Те́мже проси́я  
побе́дою ве́ра твоя́, егда́, к Голго́фе сво́ей  
восходя́щи, непреста́нно возглаша́ла еси́: Сла́ва  
Бо́гу за вся́! Умоли́, о ма́ти на́ша, да да́рует нам  
Госпо́дь стяжа́ти му́дрость и си́лу за ве́ру  
пра́вую да́же до сме́рти стоя́ти и воспева́ти Ему́  
еди́ными усты́ и еди́ным се́рдцем: Аллилу́ия.

### **И́кос 10**

Стена́ необори́мая и заступле́ние стране́  
на́шей дарова́ся свята́я ико́на Бо́жия Ма́тере  
Держа́вная, ю́же прия́ла еси́ во оби́тели  
милосе́рдия, свята́я Елиса́вето, я́ко зна́мение

побѣды над міродержители тьмы вѣка сего́. Сего́  
ради и мы, все упованіе на Державную  
Владычицу возложивше, тебѣ́ яко истинную  
служительницу и послушницу Пречистыя Матере  
Господа восхваляем:

Радуйся, исполненная благодати и силы  
Божия;

радуйся, избравшая благу́ю часть, яже не  
оты́мется от тебѣ́.

Радуйся, в кротости и смирѣнии Божией  
Матери подражавшая;

радуйся, яко му́драя евангельская де́ва елѣй  
благодати собравшая.

Радуйся, Пресвяты́я Богородицы  
благоговѣ́йная служительнице;

радуйся, у Престо́ла Сы́на Ея́ непреста́нная  
моли́твеннице.

Радуйся, о́браз самоотверже́ния нам  
явѣ́вшая;

радуйся, друг дру́га тяготы́ носіти  
науча́ющая.

Радуйся, скорбьми́ и слеза́ми в Ца́рство  
Небе́сное возше́дшая;

радуйся, любви́ и терпе́нию в страда́нии  
су́щих всех навча́ющая.

Ра́дуйся, а́нгельски на землі пожи́вшая;  
ра́дуйся, на Небеси́ вене́ц сла́вы улу́чившая.  
Ра́дуйся, благове́рная княги́не Елисаве́то,  
преподобному́ченице достосла́вная.

### **Конда́к 11**

Пе́ние моле́бное Бо́жией Ма́тери возноси́ла  
еси́, свята́я Елисаве́то, в день пра́зднования  
И́верския ико́ны Ея́, егда́ взя́ша тя нечести́вии и  
в темни́цу вверго́ша. Ты же благодари́ла еси́  
Христа́ Бо́га на́шего, да́вшего тебе́ не то́чию е́же  
в Него́ ве́ровати, но и е́же по Нем страда́ти, в  
у́зах темни́чных воспева́ющи Ему́: Аллилу́ия.

### **И́кос 11**

Свет Боже́ственный осия́ ты, страсоте́рпице  
свята́я княги́не Елисаве́то, кúпно с  
преподобному́ченицею Варва́рою, о Христé  
сестро́ю твоёю, и с про́чими страсоте́рпцы  
имени́тыми, егда́ в глубо́кий ров низри́нуша вас  
нечести́вии. Ты же, ра́ны вели́каго кня́зя Иоáнна  
обязу́ющи и страда́ния бли́жних облегча́ющи,  
воспева́ла еси́ священна́я песнопéния, за  
убива́ющих си́це моля́щися: О́тче, отпусти́ им,  
не ве́дят бо, что творя́т. Уврачу́й и на́ших душ

ра́ны, преподо́бная ма́ти, да с любо́вию воспоём  
ти:

Ра́дуйся, му́ченическую кончи́ну свою́  
предуве́девшая;

ра́дуйся, страсоте́рпице великоиме́нитая.

Ра́дуйся, Страсте́м Христо́вым  
приобщив́шаяся;

ра́дуйся, си́лою Божество́нною в страда́ниях  
укрепля́емая.

Ра́дуйся, за мучи́телей своих, Христу́  
подража́юще, моли́вшаяся;

ра́дуйся, до са́мья кончи́ны твоея́ песнь Бо́гу  
воспева́вшая.

Ра́дуйся, кро́вию свое́ю зе́млю Ру́сскую  
ороси́вшая;

ра́дуйся, со́нму но́вых му́ченик сопричте́нная.

Ра́дуйся, я́ко ли́ку преподо́бных и пра́ведных  
жен приобщи́лася еси́;

ра́дуйся, святы́х благове́рных княги́нь земли́  
Ру́сския досто́йная сонасле́днице.

Ра́дуйся, же́ртво непоро́чная и  
благоприятная, Бо́гу принесённая;

ра́дуйся, со все́ми святы́ми земли́ на́шей  
торжеству́ющая.

Ра́дуйся, благове́рная княги́не Елиса́вето,  
преподобно́мученице досто́сла́вная.

### **Конда́к 12**

Благода́ть исто́чают честны́я мо́щи ва́ша,  
святы́я подобно́мученицы Елиса́вето и  
Варва́ро, ихже от поруга́ния и безче́стия спа́сше,  
благоче́стивии лю́дие из Росси́и во святы́й град  
Иеру́сали́м принесо́ша и в ве́си Ге́фсиманийстей  
погребо́ша, иде́же мно́зи к ним приходя́ще,  
ублажа́ют вас, воспева́юще Бо́гу, дивно́му во  
святы́х Свои́х: Аллилу́ия.

### **И́кос 12**

Све́та небе́снаго и благоуха́ния чу́днаго храм  
святы́я мирonóсицы Мари́и Магдали́ни во  
Иеру́сали́ме испо́лнися, егда́ гроб с те́лом твои́м  
отве́рст бысть. Те́мже ны́не Це́ркве  
Правосла́вныя ча́да вси ра́дуются и лику́ют о  
Го́споде, притека́юще к чудото́чней ра́це мо́щей  
твои́х, подобно́мученице Елиса́вето, и  
благодаря́ще просла́вляшаго тя Го́спода, пою́т  
си́це:

Ра́дуйся, я́ко мо́щи твоя́ нетле́нием  
процвето́ша;

ра́дуйся, во Святу́ю Зѣмлю тѣлом  
принесѣнная.

Ра́дуйся, в саду́ молѣнія Господ́ня  
погребѣнная;

ра́дуйся, во хра́ме святы́я мирно́сицы  
упокоѣнная.

Ра́дуйся, явлѣнием мо́щей твои́х Цѣрковь  
Ру́сскую возвесели́вшая;

ра́дуйся, су́щих в разсе́янии росси́йских  
люде́й духо́вно укрепи́вшая.

Ра́дуйся, я́ко Господ́ь чрез мо́щи тво́я  
исцеля́ет вся́кия ско́рби и боле́зни;

ра́дуйся, по мо́рю житѣ́йскому пла́вающих  
ти́хое пристáнище.

Ра́дуйся, венѣц добродѣ́телей собра́вшая;

ра́дуйся, сла́вою и че́стию от Бо́га венча́нная.

Ра́дуйся, Го́рняго Иерусали́ма блаже́нная  
обита́тельница;

ра́дуйся, ко Иерусали́му Небе́сному всем нам  
путево́дительнице.

Ра́дуйся, благове́рная княги́не Елиса́вето,  
преподобно́мученице досто́славная.



## Конда́к 13

О вели́кая страстоте́рпице, жен ро́ссийских  
украше́ние и ра́досте на́ша, княги́не ми́лостивая  
Елисаве́то, приими́ от се́рдца воздыха́ние на́ше,  
с лю́бовию тебе́ приноси́мое, и твои́м  
предста́тельством ко Го́споду дух пра́выя ве́ры и  
благоче́стия в нас укрепи́, в добродéтели и  
милосе́рдии утверди́, помози́ крест скорбе́й с  
терпéнием и наде́ждою понести́, в любви́ и  
согла́сии наро́д наш сохрани́, да сподо́бимся в  
ра́дость Го́спода вни́ти, со А́нгелы и все́ми  
святы́ми пою́ще Ему́: Аллилу́ия.

*Сей конда́к глаго́лется три́жды.*

*И па́ки чте́тся и́кос 1-й, и конда́к 1-й.*

## Моли́тва 1

О вели́кая княги́не, свята́я  
преподобному́ченице Елисаве́то, Росси́йская  
похвало́, гра́да Москвы́ пресла́вное украше́ние и  
Святы́я Земли́ свяще́нное достоя́ние!

Ты во дни жити́я твоего́ ве́ру, наде́жду,  
любо́вь нелóжны стяжавши, милосе́рдием к  
стражду́щим свéтло просия́ла еси́. Терпéнием же  
скорбе́й и искуше́ний о́браз смире́ния бли́жним

явивши, изгнанием и страданьми житие увенчала еси и во Царствии Небесном ныне пребываеши.

Сего ради молим тя, страстотерпице святая, молитвами твоими даруй нам сердце смиренное и покаянное, милосердие неоскудевающее, служение ближним жертвенное, терпение непоколеблемое, мужество в скорбех и обстояниях неослабевающее, в страшный же час смертный упование твердое на Господа нашего Иисуса Христа, Ему же подобает всякая слава, честь и поклонение со Безначальным Его Отцом, и Пресвятым, Благим и Животворящим Его Духом, ныне и присно, и во веки веков. Аминь.

## Молитва 2

О святые новомученицы Церкви Русския, великая княгине Елисавето и пречестная инокине Варваро, купно евангельския заповеди делом во обители милосердия совершившия, веры ради православныя до смерти подвизавшияся и добрый плод в терпении страстей Христу принесяши! Молитесь Ему, яко победителю смерти, да утвердит Церковь Русскую Православную и Отечество наше. Се бо

лука́вый враг воору́жается на ны́, хотя́ нас погуби́ти в междоусо́бных бра́нех, ско́рбех, печа́лех, боле́знях, ну́ждах и беда́х лю́тых. Умоли́те Го́спода низложи́ти вся́ немощны́я де́рзости его́; ве́ру в сердца́х люде́й правосла́вных укрепите́, нам же му́жества дар низпосли́те, да, отве́ргшеся себе́ и взёмше крест свой, послёдуем Христу́, распина́юще плоть свою́ со страстьми́ и похотьми́. Сохрани́те нас от вся́каго зла, освяти́те пути́ жи́зни на́шея, да́руйте пока́ние нелицеме́рное, ти́шину́ и мир ду́шам на́шим, испроси́те у Го́спода всем нам мыта́рств го́рьких и ве́чныя му́ки изба́виться и Небе́сному Ца́рствию насле́дником бы́ти со все́ми святы́ми, от ве́ка угоди́вшими Бо́гу, да ра́дующеся воздади́м хвалу́, честь и поклонё́ние Отцу́, и Сы́ну, и Свято́му Ду́ху, во ве́ки веко́в. Ами́нь.



# ПОЛНЫЙ АКАФИСТНИК КАНОНИЧЕСКИЙ

АКАФИСТЫ  
КО ГОСПОДУ БОГУ  
ПРЕСВЯТОЙ  
БОГОРОДИЦЕ  
АРХАНГЕЛАМ  
И АНГЕЛАМ

І

НОВОЕ  
\* НЕБО